



KOMUNIKADO PA PRENSA

Fecha

30 di aprel 2019

Persona di kontakto

Email

Gobièrnu di Kòrsou ta trahando duru pa un sistema di transporte públiko duradero.

Willemstad – Minister Zita Jesus-Leito huntu ku diferente partner a organisá, dia 29 di aprel 2019, un asina yama “Kickoff Meeting” pa duna kontenido na e trayekto pa optimalisá nos Transporte Públiko.

E punto di salida ta ku kada siudadano tin derechi riba un transporte públiko. Na e momentu aki segun investigashon hasi, tin 10% di nos poblashon esta $\pm$ 14000 pa 16000 ku ta hasi uso di transporte públiko. Pa gobièrnu di Kòrsou, mobilitat ta di gran importansia pa e ekonomia i funshonamentu sosial di un komunidad moderno. Tur hende ke move riba nos isla, sinembargo investigashonnan realisá ta mustra riba problemanan den tráfiko manera molèster di tráfiko motorisá i seguridat den tráfiko.

Interes di gobièrnu di Kòrsou ta pa realisá un sistema di transporte públiko duradero, ku atenshon pa un bon funshonamentu di ABC Busbedrijf konhuntamente ku bus chikí pa promové aksesibilidat den tur barrio di Kòrsou. Meta di Minister Jesus-Leito ta pa Kòrsou por disponé di un transporte públiko konfiabel, pagabel, konfortabel i aksesibel, kaminda por lo ménos 20% di nos poblashon ta bai hasi uzo di transporte públiko den futuro serkano.

Partnernan ku ta trahando duru pa mehora transporte públiko, ta entre otro Gobièrnu di Kòrsou, ABC Busbedrijf, STU, STO, CTB i CHATA. E partnernan menshoná a diskutí riba e diferente puntonan i a konkluí ku a yega e momento pa aktua. Esaki ta nifiká ta ku ta sigui ku e deliberashonnan aki pa asina atendé direktamente ku maneho di transporte públiko i asina konkretisá palabrashonnan hasi.